



Īvuku ya ngewa

3



- ★ Kūkūanīw'a Īkwasī
na Walīku
- ★ Ūwau wa Mūthelo



Primary Math and Reading (PRIMR) Initiative

Kikamba

Művea

- Ministry of Education, Science and Technology (MoEST)
- UK Department for International Development (DFID)
- RTI International
- SIL LEAD

Kūkūanīw'a Īkwasī na Walīku

Mūandīki: **David Ītute Mūoka**

Mūsoli: **Simon Ndongye**

Kīvalonī kīmwe vaī mūsumbī
waī mūkīe mūno. Mūsumbī ūsu
aī na mwana wamwendete
mūno. Ūseng'yo nī kana mwana
ūsu ndaī mūka.



Mũthenya ũmwe mũsumbĩ
nĩweetie mwanae na amũkũlya,
“Ũkatwaana ĩndĩĩ we?” Ũ
mwana nĩwoonisyē ĩthe iatũ na
ngũa na amwĩa, “Ũla wĩĩanĩwa
nĩ iatũ na ngũa ii nĩwe nĩtwaa.”
Nĩvo mũsumbĩ watũmanie na
ũtũmani wake wanyaĩkw’a
kũndũ kw’oonthe.

Eĩtu aingĩ nĩmeeyumĩlilye
kwĩĩyĩela ila iatũ na ngũa. Īndĩ
vayĩ ũmwe waaĩanĩwa nĩsyo.
Mũthenya ũmwe mwĩĩtu ũmwe
ndiwa wavau ũtũinĩ nĩwaendie
akeyĩele.



Usengy'o nũndũ nĩsyamwĩanĩie
na mwana wa Mũsumbĩ
endeew'a nũu.

Mũsumbĩ nĩwatw'ie mũthenya
wa alũsi na mwĩĩtu anengwa
ngũa na iatũ eĩkĩa mũthenya
ũsu.

Mũthenya wa alũsi mwĩĩtu
nĩweekĩie ngũa na athi lelũni
kweteela mwana wa Mũsumbĩ.
Na eteele vaumĩla ĩlaĩ ĩnene.
Yĩla ĩlaĩ yamwonie mwĩĩtu
yamũkathĩia mũno. Nake
mwĩĩtu eew'a mũyo mũno
aumĩsya ĩlaĩ ingũa yĩkĩe nĩ kana
one ũndũ eeilye.



Ĩlaĩ nĩyeekĩie ngũa na kũveny'a
na kũsalukya yathanũka yalĩsa
mũtĩnĩ. Mwĩitu ambĩia kũia
nayo ĩlaĩ yasemba yathi ngalĩko
ĩla ĩngĩ ya lelũ. Kavinda kanini
mwana wa Mũsumbĩ nĩwookie
na ngalĩ akua yĩla ĩlaĩ.



Ītina wa mūtwaano nīmekalile
mbokanī, ĩlaĩ yambīa kūkulya
nthĩ. Andũ mayĩlũngya yakĩlĩla
ndĩlĩsyanĩ yathi.

Na mwĩitu aasya mũũme.

Mokũlyo

1. Mwana wa mũsumbĩ amwĩie ata?
2. Nũũ ũla wĩĩanĩiwe nĩ iatũ?
3. Nĩ kyaũ kyeekĩkie mũthenya wa alũsi?
4. Ītina wa mũtwaano ĩlaĩ yeekie ata?

Ūwau wa Mũthelo

Mũandĩki: **Annah M. Kyama**

Mũsoli: **Simon Ndonye**

Ve ūwau wĩtawa Mũthelo.

Mũthelo wakwata mũndũ
ndavoaa.





Nūndū mūthelo ndwī mūiito,
Mūthelo nīwūaīte andū aingī.
Nīw'o wooaie asyai ma Kalūkī.

Kalūkī nī kelītu kewi.

Asyai make mamūeie na
mwīkalo mūseo.

Yu Kalūkī asūvīawa nī atūi.





Atūi nīmendete Kalūkī nūndū nī
mwīwi.

Kalūkī ekalaa emūtanu nūndū
nīwendete kūsoma mūno.
Mwalimū wake nūmūtetheeasya
nī kana amanye kūsoma.

Kwa ũu ekalaa thayū mūseo ona
e ndiwa.



Mokūlyo

1. Mūthelo wakwata mūdū ekaa ata?
2. Mūthelo ūaīte andū aingī nīkī?
3. Kalūkī asuvīawa nī atūi nīkī?
4. Kalūkī ekalaa emūtanu nīkī?
5. Kalūkī nūthīnaa nīkwīthīwa nī ndiwa?

★ Kūkūanīw'a Īkwasī na Walīku

★ Ūwau wa Mūthelo

Mavuku ma PRIMR maandikitwe kwa nzīa yī mwanya nī kana matetheesye syana sya kīlasi kya mbee na kya kelī mendeewe nī kūneena, kūsoma na kūandika kīkamba.

Ngewa ila syī mavukuni aa nīsyautetheesya syana syende kūsoma kīkamba nza wa kīlasi na kūlilikana kīla masoma. Mavuku aa nīmailite kwa asomi ma kīkamba kwa ūndū maandikitwe matetheesye ūmanyisyani wa kīthyomo kya kīkamba.

Kwīanīsyā maundu aa oonthe, ngewa ila syi mavukuni aa nīsuanīite:

- Kūtūmia kīthyomo kīvuthu na kīla kīna mīsoa mīkuvi.
- Mavisa mena langi mūseo na maitavanītye ngewa yonthe īndi matūmīitwe kunenga syana mea ma kwenda kūsoma kīla kī ngewani īsu.
- Kīthyomo kīvuthu kwa kūelewa īndi kītuma syana syi sily'a muno yīūlu wa kīla ma soma.

Mavuku ala angī nī:

- *Kīla Kītumaa Ndunduli Īlūka Ūtukū na Kavalūkū na Mbiti*
- *Kīmena kya Ngūkū na Ndiū na Wambūa na Nyūnyi*
- *Kūkūanīw'a Īkwasī na Walīku na Ūwau wa Mūthelo*
- *Mbiti Īendaa Īithua Nīkī? na Nguu na Ndiū*
- *Mūeni na Katoonu na Kīmeu na Kasūkū*